



REPUBLIKA E KOSOVËS
REPUBLIKA KOSOVA - REPUBLIC OF KOSOVA
KOMISIONI I PAVARUR I MEDIAVE
NEZAVISNA KOMISIJA ZA MEDIJE
INDEPENDENT MEDIA COMMISSION

TE 7
Leonart Kerquki
Drejtor
Prishtinë



VENDIM

Lidhur me Rastin Nr. 2023/155 – Komisioni i Pavarur i Mediave (KPM) për TE 7 (Pala Përgjegjëse)

Faktet

1. Pala përgjegjës me datën 26 shkurt 2018, është pajisur me licencë të KPM-së me seli në Prishtinë. Me marrjen e Licencës Pala përgjegjëse është obliguar që të respektojë Ligjin e KPM-së, Kushtet dhe Termet e Përgjithshme të Licencës si dhe aktet tjera nënligjore të nxjerra nga KPM.
2. KPM me datën 17 dhjetor 2021 ka nxjerrë Rregulloren KPM-2021/01 për Ofruesit e Shërbimeve Mediale Audio dhe Audiovizuale. Me këtë Rregullore përcaktohen kriteret, të drejtat dhe obligimet për ofruesit e shërbimeve mediale, pa marrë parasysh mënyrën e transmetimit në Republikën e Kosovës, me qëllim të garantimit të mbrojtjes së pluralizmit medial dhe interesit publik, si dhe të mundësohet garë e drejt dhe e barabartë në tregun medial në Republikën e Kosovës.
3. Me datë 26 shkurt 2018, KPM mori Vendim që t'i lëshoj licencë Palës përgjegjëse për të vepruar si ofrues i shërbimeve mediale, përmes operatorëve të shpërndarjes në Republikën e Kosovës.
4. KPM duke u bazuar në faktin se Pala përgjegjëse ka bërë ndryshime në pronësi, me datën 20 dhjetor 2021, i ka dërguar shkresë përmes të cilës e ka njoftuar për shkeljet e bëra lidhur me ndryshimin e pronësisë pa miratim paraprak me shkrim nga KPM-ja.
5. KPM me datën 22 dhjetor 2021, përmes emailit Pala përgjegjëse ka konfirmuar ndryshimet në pronësi.
6. Pala përgjegjëse me datën 28 dhjetor 2022, ka dorëzuar kërkesën për ndryshim të pronësisë në KPM, ku në certifikatën e regjistrimit të biznesit vërehet se është ndryshuar emri i biznesit nga N.B Media Works SH.P.K në Media Works SHPK me numër unik 810500801 (figuron edhe numri i mëparshëm i biznesit 70202640), si dhe është ndryshuar pronësia nga pronarët: z. Berat Buzhala, z. Artan Lahu, znj. Vjollca Musa dhe z. Leonard Kerquki (në kërkesën për ndryshime të pronësisë figuron edhe emri z. Shpend Limoni dhe z. Arben

Hyseni si aksionar, mirëpo në momentin e licencimit këta persona nuk kanë qenë, figuruar si aksionar) dhe pronësia është kaluar tek personin juridik A.B.C. Management me seli në Tiran, Republika e Shqipërisë.

7. Pala përgjegjëse me datën 6 tetor 2023, ka dorëzuar në KPM si dokument shtese certifikatën e re të Media Works SHPK ku si pronar tani figuron Media A.B.C. Holding B.V. me seli në Amsterdam, Mbretëria e Holandës, me pronar personat juridik z. Enis Allajbeu 20% të aksioneve, znj. Iris Allajbeu 20% të aksioneve, z. Klodian Allajbeu 20% të aksioneve, Ailin Allajbeu 20% të aksioneve dhe Isra Allajbeu 20% të aksioneve (shtetas të Republikës së Shqipërisë). Gjithashtu është dorëzuar edhe certifikata e biznesit të ri të regjistruar T7 SH.P.K. me numër unik identifikues 810104167 biznes ky në pronësi të Media Works SH.P.K.
8. KPM bazuar në Raportin e departamentit të licencimit të datës 27 tetor 2023 ka gjetur se Pala përgjegjëse ka bërë ndryshim të pronësisë në certifikatën e regjistrimit të biznesit pa miratim paraprak të KPM-së, duke vepruar kështu në kundërshtim me Ligjin e KPM-së, Kushtet dhe Termet e Përgjithshme të Licencës dhe Rregulloren KPM-2021/01 për Ofruesit e Shërbimeve Mediale Audio dhe Audiovizuale.

Analiza ligjore

9. Komisioni bazuar në të gjitha faktet dhe analizat e lartpërmendura konstaton se Pala përgjegjëse ka vepruar në kundërshtim me Ligjin e KPM-së, Kushteve dhe Termeve të Përgjithshme të Licencës, dhe Rregullores KPM-2021/01 për Ofruesit e Shërbimeve Mediale Audio dhe Audiovizuale.

10. Pala përgjegjëse ka vepruar në kundërshtim me nenin 21 paragrafi 3, i Ligjit të KPM-së, i cili përcakton se:

“Licencat nuk mund të shfrytëzohen dhe barten pa autorizimin dhe pa aprovimin paraprak me shkrim të KPM-së.”

11. Në kundërshtim me nenin 18, të Rregullores për Ofruesit e Shërbimeve Mediale Audio dhe Audiovizuale KPM – 2021/01, i cili përcakton se:

“ Licencat nuk mund të shfrytëzohen dhe transferohen pa autorizim dhe pa aprovim paraprak me shkrim nga KPM”.

12. Në kundërshtim me nenin 5, paragrafin 5.2, dhe paragrafin 5.3, të Kushteve dhe Termeve të Përgjithshme të Licencës së KPM-së, i cili përcakton se:

5.2 “Transferimi ose Dorëzimi i Licencës: I licencuari nuk mund të transferojë ose dorëzojë këtë licencë pa miratimin paraprak me shkrim të KPM-së. Çdo ndryshim në pronësi që kap më shumë se 10% të aksioneve të interesave ose ato që ndikojnë shumë në kontrollin e licencuarit do të kërkojnë paraprakisht miratim me shkrim nga ana e KPM-së.”

5.3 “Leja për transferimin: KPM do të lejojë transferimin e licencës vetëm kur ajo sigurohet që individit ose organizata të cilët propozohen që t’iu transferohet licenca plotësohen standardet e KPM-së për t’iu dhënë ajo licencë. Në bazë të mandatit të saj, KPM mund të kërkojë që çdo transferim i një licence tek një pronësi e re t’i nënshtrohet procedurave të rregullta për të siguruar që një transferim i tillë është në pajtueshmëri me të gjitha rregulloret e KPM-së.”

13. KPM bazuar në Raportin e departamentit të Licencimit ka konstatuar se Pala përgjegjëse ka bërë ndryshim të pronësisë në certifikatën e regjistrimit të biznesit pa miratim paraprak të KPM-së.

14. KPM bazuar në faktet e lartpërmendura ka konstatuar se Pala përgjegjëse ka vepruar në kundërshtim me nenin 21 paragrafi 3, të Ligjit të KPM-së, nenit 18, të Rregullores për Ofruesit e Shërbimeve Mediale Audio dhe Audiovizuale KPM-2021/01, nenin 5 paragrafin 5.2, dhe paragrafin 5.3 të Kushteve dhe Termeve të Përgjithshme të Licencës së KPM-së, duke bërë ndryshim të pronësisë në certifikatën e regjistrimit të biznesit pa miratim paraprak të KPM-së.

Vendim

15. Pala përgjegjëse të sanksionohet me **Gjobë** në shumën prej pesëmijë (5.000) euro në pajtim me 30 paragrafi 1.3 të Ligjit të KPM-së, për shkeljet të vazhdueshme të nenit 21, paragrafin 3, të Ligjit të KPM-së, nenin 18 Rregullores për Ofruesit e shërbimeve Mediale Audio dhe Audiovizuale-KPM-2021/01, nenit 5, paragrafin 5.2, dhe paragrafin 5.3 të Kushteve dhe Termeve të Përgjithshme të Licencës.

E drejta për ankesë

16. Ankesat i parashtrihen Bordit për Ankesa brenda tridhjetë (30) ditësh nga pranimi i vendimit të KPM-së në pajtim me nenin 29, paragrafi 5, të Ligjit të KPM-së. Ankesa bëhet me shkrim dhe duhet të përcillet me dokumente ose dëshmi që mund të kërkohej nga Bordi i Ankesave në pajtim me nenin 42, paragrafi 2, të Ligjit të KPM-së.

17. Bordi për Ankesa do t’i merr parasysh vetëm ankesat e bazuara në informacione ligjërish të relevante të cilat nuk ishin të disponueshme në kohën e marrjes së vendimit të KPM-së, apo të bazuara në mundësi se ekzistonte gabim procedural dhe material i bërë nga ana e KPM-së gjatë marrjes së vendimit.



Jeton MEHMETI
Kryetar



24.11.2023

Datë